

Golongan mahasiswa yakin BN menang PRU-13
Utusan Online
30 Januari, 2013

KUALA LUMPUR 30 Jan. - Golongan mahasiswa di negara ini yakin Barisan Nasional (BN) mampu mempertahankan kemenangan mereka pada Pilihan Raya Umum ke- 13 (PRU-13) nanti.

Hal ini berdasarkan satu kajian yang dijalankan oleh Yayasan Ehwat Siswa (Yes) yang mendapati 63 peratus daripada golongan terbabit yakin BN akan terus diberi mandat oleh rakyat.

Pengerusi Yes, Datuk Mohd. Radzi Abd. Latif berkata, keyakinan tersebut turut disuarakan oleh kalangan mahasiswa yang berasal dari negeri-negeri yang dikuasai pembangkang.

Sementara itu, kajian tersebut juga mendapati, 59 peratus mahasiswa dari Selangor, Kedah, Kelantan dan Pulau Pinang mengakui Datuk Seri Najib Tun Razak adalah pemimpin pilihan utama mereka sebagai Perdana Menteri Malaysia.

Seramai 3,000 responden yang terdiri daripada mahasiswa yang mewakili seluruh negeri terlibat dalam kajian tersebut. - UTUSAN

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Pilihan_Raya/20130130/px_01/Golongan-mahasiswa-yakin-BN-menang-PRU-13